

կանութեան մէկ երրորդ մասը վերցնել որպէս տուրք: Եւ սակայն իրականութեան մէջ դրանով էլ չէին սահմանափակուում. վերցնում էին՝ առհասարակ որչափ կարող էին:

Սարդարները նշանակուում էին անորոշ ժամանակով: Դրա համար էլ իրենց տրամադրութեան տակ եղած ժամանակը նրանք օգտագործում էին, այն նպատակով, որ որչափ կարող են՝ աւելի դանձեր ժողովին: Սարդարները մեծ մասով բոլորովին անձանօթ էին լինում այն երկրամասերի ներքին-տնտեսական պայմաններին, ուր որ կառավարելու էին դալիս: Դրա համար էլ նրանք տեղին վրայ մարդէիկ էին ջոկում, մեծ մասով զինուորականների շարքերից ու նրանց միջոցով տուրքեր կորզում ժողովուրդից: Այդպիսիներին նրանք խան կամ բէկ տնտեսներ էին տալիս: Սրանք էլ իրենց հերթին նշանակում էին հարկահաւաք, ստորադաս պաշտօնեաներ, որոնց սարքիար (վերակացու) անունն էին տալիս: Սրանք էին խսկապէս կատարում գործառնութիւնները: «Ո՞նցերը եւ բէկերը ամօթ էին սեպում կարգալ-գրել իմանալը: Դա համարում էին կարիքաւոր մարդկանց գործ՝ մի կտոր հաց վատակել կարենալու համար: Ուստի ոչ ոքի մտքով անգամ չէր անցնում հաշուական դրքեր պահել:

Այդ բոլոր իշխանաւորները իրար հետ մրցում էին՝ ժողովրդին կեղեքելու գործի մէջ, որովհետեւ նրանք, «բացառութեամբ սարդարի, կարծ ժամանակով էին միայն մընում ծառայութեան մէջ — հազուադէպ անգամ աւելի, քան երկու-երեք տարի»:

Յետոյ Հաքստհաուզէն քաղելով Արուի-եանի կողմից նրան անձամբ հաղորդած «Պատանեկան Յիշողութիւններից», բառացիօրէն առաջ է բերում Քանաքեռի իրականութիւնից (պարսկական տիրապետութեան օրով) մի քանի ուշադրաւ տեղեկութիւններ: Դրանք վերաբերում են սարքիարներին եւ նրանց ձեռքով հաւաքուող հարկերին ու տուրքերին: Այդ ամենին Արուիեան անձամբ է տեսել, ապրել ու նկարագրել իր «Վէճք»ում եւ այս տողերի մէջ:

Նկատի ունենալով նրանց տնտեսա-պատմական կարեւոր նշանակութիւնը՝ առաջ ենք բերում այդ հատուածը ամբողջութեամբ:

«Մեր գիւղում (Քանաքեռում) ամէն տա-

րի տեսնում էինք», ասում է Արուիեան, «սարքիարին, որ դալիս էր ամառը՝ հաւաքելու կառավարութեան բաժինը տարուայ հունձից: Այս պարզ եւ քիչ ժամանակ պահանջող գործի համար նա գիւղում սովորաբար մնում էր երեքից մինչեւ չորս ամիս: Գիւղացիք պարտաւոր էին նրան յատկացնել ամենալաւ բնակարանը, ինչպէս եւ ծառայել նրան, նրա սպասուորներին ու ձիերին: Ամենայաւ կենսամթերքները՝ հաւ, ձու, կարագ եւ այլն, շատ անգամ նաեւ գինի (ո՛չ բոլոր պարսիկները արհամարհում են դայն) պարտաւոր էին գիւղացիք տանել նրա տունը: Գիւղական ծառան (գլխը) ամէն օր տնից-տուն էր գնում՝ այդ մթերքները մուրալու կամ շորթելու նպատակով: Յաճախ նրան ընկերակցում էր նաեւ սարքիարի ծառաներից մէկը կամ միւրը, նրան գործի մղելու եւ կամ պատժելու համար, եթէ արագօրէն բան չհաւաքէր: Մտրակով էին նրան առաջ քշում եւ անթիւ ու չլսուած հայհոյանքներ թափում գլխին, որոնցմով բացի թաթարերէնից աշխարհի եւ ոչ մի ուրիշ լեզու պարծենալ կարող է: Եթէ, բան է, պահանջի ենթակայ տան տէրը հրաժարուէր ուղածը տալ, ու եթէ գնացողը ոյժ զգար մէջը, անասնական կատարութեամբ եւ բռնութեամբ կը խուժէր տուն, ամէն ինչ կը կտորտէր, մտրակով կը ծեծէր եւ բռնութեան կ'ենթարկէր ամէնքին անխտիր՝ ո՛ւմ որ տանը տեսնէր — առանց տարիքի եւ սեռի խտրութեան: Եւ դա դեռ ծառան էր, սպասաւորը: Երեւակայելի՛ է ուրեմն, թէ ի՞նչ կը լինէր տէրը ինքը: Երբ վերջինս տնից դուրս էր ելնում, ստիպուած էին խեղճ մարդէիկ հետեւիլ նրան, որպէս նրա թիկնապահները: Ստիպուած էին շարունակ եւ ուշադրի նրա դէմքին նայիլ, ինչ է՝ չլինի՛ թէ նրան բարկութիւն, դժկամակութիւն պատճառեն: Գիւղացիները խուժ-խուժ կանգնած էին մնում իրենց տների կտուրների վրայ՝ եւ կամ դռների առաջ նստած, սովորաբար մեծ քարերի վրայ (սեղան եւ աքոռ ամմանօք բաւեր եւ Հայաստանում), եւ կամ ցորեն ծածկելով նստած էին մնում այդիներում, դեռտի վրայ, խորհրդակցելու համար: Հենց որ տեսնում էին նրան մօտ դալիս, մէկը ձեռքով կամ գլխարկով նշան էր անում, ու ամէնքը ցրուում էին անմիջապէս: Մարդիկ ստիպուած էին խո-